



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐԿԱՅԻՆ ԿԱԶՄԱԿԵՐՊՈՒԹՅՈՒՆՆԵՐԻ ԱՍՈՑԻԱՑԻԱՅԻ ԿՈՂՄԻՑ ՀՐԱՊԱՐԱԿՎՈՂ ԱՄՍԱԿԱՆ ՀԱՇՎԵՏՎՈՒԹՅՈՒՆ

Փետրվար, 2025




Բովանդակություն

Բովանդակություն	1
Ֆինանսական դիրք	2
Վարկային պորտֆել և համեմատականներ	3
Տրամադրված վարկերի ծավալը	3
Տրամադրված վարկերի քանակը	3
Մասնաճյուղեր և վարկային պորտֆելի ցուցանիշներ	5
Վարկերի կառավարում	6
Վերլուծական գործակիցներ	7

Ֆինանսական դիրք

- **Ակտիվներ:** ՀՀ ՎԿԱ անդամների համախառն ակտիվները 2025թ.-ի Փետրվարի 28-ի դրությամբ կազմել են 227.19 մլրդ դրամ՝ 2024թ.-ի Փետրվարի նկատմամբ աճելով 12.2%-ով, իսկ 2025թ.-ի Հունվարի նկատմամբ՝ 1.1%-ով: (Գծ.1):
- **Վարկային Պորտֆել:** ՀՀ ՎԿԱ անդամների վարկային պորտֆելը 2025թ.-ի Փետրվարի 28-ի դրությամբ կազմել է 176.47 մլրդ դրամ՝ նախորդ տարվա Փետրվարի նկատմամբ աճելով 14.4%-ով, իսկ 2025թ. Հունվարի նկատմամբ՝ 1.8% (Գծ.1):
- **Կապիտալ:** ՀՀ ՎԿԱ անդամների ընդհանուր կապիտալը 2025թ.-ի Փետրվարի վերջի դրությամբ կազմել է 81.29 մլրդ դրամ՝ 2024թ.-ի Փետրվարի նկատմամբ աճելով 13.0%-ով, իսկ 2025թ.-ի Հունվարի նկատմամբ աճելով 1.2%-ով (Գծ.1):

Գծապատկեր 1. ՀՀ ՎԿԱ անդամների ֆինանսական դիրքը 2024-2025թթ. Փետրվարի վերջի դրությամբ




Վարկային պորտֆել և համեմատականներ

Տրամադրված վարկերի ծավալը

- 2025թ.-ի Փետրվար ամսին ՀՀ ՎԿԱ անդամների կողմից տրամադրվել է 14.15 մլրդ դրամի վարկ, որը նախորդ տարվա նույն ժամանակահատվածի նկատմամբ աճել է 14.2%-ով, իսկ 2025թ.-ի Հունվարի նկատմամբ՝ 29.2%-ով (Գծ. 2):

Գծապատկեր 2. ՀՀ ՎԿԱ անդամների կողմից 2024 և 2025 թթ.-երի Հունվար-Փետրվար ամիսներին տրամադրված վարկերի ծավալը




Տրամադրված վարկերի քանակը


- 2025թ.-ի Փետրվար ամսին ՀՀ ՎԿԱ անդամների կողմից տրամադրվել է 58,587 վարկ, որը նախորդ ամսվա նկատմամբ աճել է 4.4%-ով, իսկ 2024թ.-ի Փետրվարի նկատմամբ նվազել է 8.4%-ով (Գծ. 3):

- 2025թ.-ի Փետրվար ամսվա վերջի դրությամբ ՀՀ ՎԿԱ անդամներն ունեցել են 294,543 ակտիվ վարկառուներ: Ակտիվ վարկառուների քանակը 2024թ.-ի Փետրվարի նկատմամբ աճել է 47.7%-ով, իսկ 2025թ.-ի Հունվարի նկատմամբ աճել է 40.9%-ով:
- ՀՀ ՎԿԱ անդամների կողմից 2025թ.-ի Փետրվարին տրամադրված վարկերի միջին մեծությունը կազմել է 241 հազար դրամ, իսկ վարկային պորտֆելի միջին վարկի մեծությունը կազմել է 599 հազար դրամ: Նույն ցուցանիշները 2024թ.-ի Փետրվարին կազմել են համապատասխանաբար՝ 194 և 774-հազարական դրամ (Գծ. 4):

Գծապատկեր 3. ՀՀ ՎԿԱ անդամների կողմից 2024 և 2025 թթ.-երի Հունվար-Փետրվար ամիսներին տրամադրված վարկերի քանակը




Գծապատկեր 4. ՀՀ ՎԿԱ անդամների կողմից տրամադրված վարկերի միջին մեծություն



Մասնաճյուղեր և վարկային պորտֆելի ցուցանիշներ

- 2025թ.-ի Փետրվարի դրությամբ Ասոցիացիայի անդամները միասին վերցրած ՀՀ ամբողջ տարածքում ունեցել են 151 մասնաճյուղ, որը, համեմատած 2024թ.-ի Փետրվարի հետ, աճել է 1-ով:
- ՀՀ ՎԿԱ անդամները 2025թ.-ի Փետրվարի դրությամբ ունեցել են 420 վարկային մասնագետ, որը, համեմատած 2024թ.-ի Փետրվարի հետ, նվազել է 8-ով:
- 2025թ.-ի Փետրվարին ՀՀ ՎԿԱ անդամների կողմից տրամադրված վարկերի գծով մեկ վարկային մասնագետի հաշվով միջին վարկի մեծությունը կազմել է 33.68 մլն դրամ, նախորդ ամսին՝ 25.76 մլն դրամ, իսկ 2024թ.-ի Փետրվարին այս ցուցանիշը կազմել է ևս 28.95 մլն դրամ (Գծ. 5):
- 2025թ.-ի Փետրվարի վերջի դրությամբ ՀՀ ՎԿԱ անդամների վարկային պորտֆելը մեկ վարկային մասնագետի հաշվով կազմել է 420.17 մլն դրամ, նախորդ ամսվա 407. 90 մլն դրամի և 2024թ.-ի Փետրվարին 360.40 մլն դրամի համեմատ (Գծ. 5):

Գծապատկեր 5. ՀՀ ՎԿԱ անդամների տրամադրված միջին վարկը և վարկային պորտֆելը մեկ վարկային մասնագետի հաշվով




Վարկերի կառավարում

- **Մինչև 30 օր ժամկետանց պորտֆել:** ՀՀ ՎԿԱ անդամների մինչև 30 օր ժամկետանց վարկերի ծավալը 2025թ.-ի Փետրվարի վերջի դրությամբ կազմել է 1,949 մլն դրամ, նախորդ ամիս՝ 1,874 մլն դրամ և 2024թ.-ի Փետրվարին՝ 1,869 մլն դրամ: Նախորդ տարվա նույն ժամանակահատվածի նկատմամբ մինչև 30 օր ժամկետանց վարկերի ծավալը աճել է 4.3%-ով, իսկ 2025թ.-ի Հունվարի նկատմամբ աճել է 4.0%-ով: 2025թ.-ի Փետրվարի վերջի դրությամբ մինչև 30 օր ժամկետանց վարկերի պորտֆելը կազմել է ընդհանուր վարկային պորտֆելի 1.10%-ը, 2024թ.-ի Փետրվարին ևս կազմել է 1.21% (Գծ. 6):
- **Ժամկետանց պորտֆել 30 օրից ավել:** ՀՀ ՎԿԱ անդամների 30 օրից ավել ժամկետանց վարկերի ծավալը 2025թ.-ի Փետրվարի վերջի դրությամբ կազմել է 3,638 մլն դրամ, նախորդ ամիս՝ 3,120 մլն դրամ և 2024 թ.-ի Փետրվարին՝ 3,782 մլն դրամ: Նախորդ տարվա նույն ժամանակահատվածի նկատմամբ 30 օրից ավել ժամկետանց վարկերի ծավալը նվազել է 3.8%-ով, իսկ 2025թ.-ի Հունվարի նկատմամբ աճել է 16.6%: 2025թ.-ի

Փետրվարի վերջի դրությամբ 30 օրից ավել ժամկետանց վարկերի պորտֆելը կազմել է ընդհանուր վարկային պորտֆելի 2.06%-ը, 2024թ.-ի Փետրվարին՝ 2.45% (Գծ. 6):

- **Զուտ դուրսգրումներ:** 2025թ.-ի Փետրվարի վերջի դրությամբ Ասոցիացիայի անդամ վարկային կազմակերպությունների զուտ դուրս գրված վարկերի ծավալը կազմել է 673 մլն դրամ, նախորդ ամիս՝ 604 մլն դրամ և 2024թ.-ի Փետրվարին՝ 581 մլն դրամ: Զուտ դուրս գրված վարկերի ծավալը 2025թ.-ի Փետրվարին նախորդ ամսվա նկատմամբ աճել է 11.6%-ով, իսկ 2024թ.-ի Փետրվարի նկատմամբ աճել է 15.8%-ով: Ասոցիացիայի անդամների սույն թվականի Փետրվարի զուտ դուրս գրված վարկերի ծավալը կազմել է համախառն վարկային պորտֆելի 0.38%-ը, նախորդ ամիս՝ 0.35% և 2024թ.-ի Փետրվարին 0.38% (Գծ. 6):

Գծապատկեր 6. ՀՀ ՎԿԱ անդամների վարկերի ծավալները Փետրվարի 28-ի դրությամբ



Վերլուծական գործակիցներ

- 2025թ.-ի Փետրվարի դրությամբ ՀՀ ՎԿԱ անդամների համախառն վարկային պորտֆելի և ակտիվների հարաբերակցությունը կազմել է 77.7%, որը վկայում է այն մասին, որ ակտիվների ծանրակշիռ մեծամասնությունը ուղղվում է վարկավորմանը: Նույն ցուցանիշը 2024թ.-ի Փետրվարին կազմել է 76.2% (Գծ. 7):

- Սույն թվականի Փետրվարի դրությամբ Ասոցիացիայի անդամների ընդհանուր կապիտալի և վարկային պորտֆելի հարաբերակցությունը կազմել է 46.1%: Այս ցուցանիշը ցույց է տալիս, որ Ասոցիացիայի անդամների վարկավորման ծավալի 46%-ը իրականացվում է սեփական կապիտալի հաշվին: Նույն ցուցանիշը 2024թ.-ի Փետրվարին կազմել է 46.6% (Գծ. 7):
- 2025թ.-ի Փետրվարի վերջի դրությամբ ՀՀ ՎԿԱ անդամների ընդհանուր կապիտալի և ակտիվների հարաբերակցությունը կազմել է 35.8%, որը վկայում է Ասոցիացիայի անդամ վարկային կազմակերպությունների բարձր կապիտալիզացիայի մասին: Նույն ցուցանիշը 2024թ.-ի Փետրվարին կազմել է 35.5% (Գծ. 7):
- Ընդհանուր պարտավորությունների և կապիտալի հարաբերակցության ցուցանիշը ցույց է տալիս միավոր կապիտալի դիմաց ունեցած պարտավորությունների չափը: Այս ցուցանիշը ցույց է տալիս նաև վարկային բիզնեսի կառավարման արդյունավետության մակարդակը: 2025թ.-ի Փետրվար ամսվա դրությամբ ՀՀ ՎԿԱ անդամների համար այս գործակիցը կազմել է 1.80, այսինքն միավոր կապիտալի դիմաց ունեցած պարտավորությունները 1.8 անգամ գերազանցել է կապիտալի մակարդակը: Նույն ցուցանիշը նախորդ տարվա Փետրվարի համար կազմել է 1.81:

Գծապատկեր 7. ՀՀ ՎԿԱ անդամների վերլուծական գործակիցներ

